

T 5775 / 1946

CHINESE-JAPANESE LIBRARY  
HARVARD-YENCHING INSTITUTE  
AT HARVARD UNIVERSITY

DEC 18 1961

凡

壹

# 內簡尺牘

哈佛大學漢和  
圖書館珍藏印

宋尚書晉陵孫覲仲益生值國故更事徽欽高孝四  
朝為文章容與詳贍淹賅衆體於昔廬陵南豐眉山  
諸老相繼徂謝仲益趾其後號作家所著鴻慶集行  
世久異時有議重鐔者格於物論而止仲益高官大  
年國史無傳略散見南遷帝紀中而世復佚其遺文  
君子徵時運迹事變攷論其所致然未嘗不為之徬  
徨沉吟搯腕太息獨其緒餘有尺牘十卷明中葉再  
三刻成化辛丑仲益十一世孫蜀撫仁刻雲間錢尚  
書溥序嘉靖丁巳建陽守顧名儒刻自為跋萬  
曆庚辰淮陽學政涖水李時成刻姚江葉逢春序於今僅存版亦湮矣梅里

蔡氏子弟風尚好古屬者初篁理故帙憫斯續之傳  
不廣又病夫淺人者詭言門人夾注淆漏乃與諸大  
阮體乾敦復用謙謀手犇而版行之於是用謙起為  
約剋日從事而吳門張蔭嘉以社會來集與勞焉刊  
正裒補捷鈔接校首尾纔五十日注本定諸子辱與  
予習每彙冊成趣以眎予、憚其敢促勤而樂其周  
審驚歎其脫手何敏也予惟考古之用博矣必有所  
托以行是譎、者簡畢贖技諸子奚擇而主是西漢  
之季子雲子駿著作傾當時尚論者盱衡與敘於其

人其文叅進退焉君子立言行世本末重輕有辯之  
者諸子奚擇而主是曰無他也適觀焉適傳焉且傳  
亦非一端而已傳之而有與為幸或有以為懼幸與  
懼殊趣而勸懲出仲益尺牘之傳幸耶懼耶庸詎知  
行世之非以持世耶予曰譎得之矣乾隆十有二年  
丁卯春二月、吉山僊浦起龍叙



臣其章疏制誥表奏往々如陸敬輿明辯駿發每  
一篇出世爭傳誦老年次對親為謝表啓各出新  
意用事屬詞少壯所不逮

宜春趙希弁讀書附志 孫尚書大全集五十七卷

志卷數與陳氏書錄不合 孫覲字仲益蘭陵人大觀三年進

士嘗以靖康間文字得罪廢徙久之終於左朝奉

郎龍圖閣待制

州錢吳之振鴻慶詩鈔小序 孫覲仲益嘗提舉鴻

慶宮故自號鴻慶居士五歲時即為東坡所器第

政和間進士

陳氏書錄登第在大觀年 靖康併擾為執法為詞

臣旋由瑣闥厯吏戶長貳連守大邦紹興而後遭

值口語斥居象郡久之歸隱太湖二十餘年孝宗

朝命編類蔡京王黼等事實上之史官年九十餘

卒年亦與陳氏書錄不合 由其居閑久故問學深誠有宋之

作家也

具區馮開之快雪堂集跋內簡尺牘 聞之毘陵人

孫尚書實大蘇公遺體孫老得公棄婢而生畏時

禁不能自明而詳其顛末於家乘

錢唐沈嘉轍南宋禱事詩注 考香祖筆記坡公往  
陽羨憇村舍見一童子頗聰慧出對句云衡門稚  
子璠璣器童子應聲曰翰苑仙人錦繡腸坡喜之  
童子即覲也然則遺體之說妄矣

宋孫仲益內簡尺牘目錄

卷一

與信安郡王孟少傅

與汪左丞

與葉左丞

與張右丞

與胡樞密

卷二

與胡樞密

與楊樞密

與路樞密

與何樞密

與莫內翰

卷三

與宮使李尚書

與張尚書

與胡尚書

與致政楊尚書

與張侍郎

與周侍郎

卷四

與宋侍郎

與張侍郎

與向侍郎

與五九兄提舉

與石提舉

與鎮守劉侍郎

與平江守王侍郎

卷五

與平江王守

與湖守趙中大夫

與常州吳守

與常守莊右司

與常守陳檢詳

與常守秦直閣

與常守王司諫

卷六

與常守錢舍人

與常守虞龍圖

與常守直閣湯舍人

與台守曾郎中

與吉守王舍人

與衢守汪少卿

內簡尺讀

內簡尺讀 目錄

與秀守方學士

卷七

與蘇守季文

與常守強朝議

與常守徐計議

與揚州榮守

與無為趙守

與鄭大資

卷八

與范大卿

與朱直閣

與胡寺丞

與張郎中

與莫刪定

與紹興倅一姪刪定

與常州趙倅

與孫節推

卷九

與李推官

與常州張司理

與八十姪司戶

與祝宰得之

與朱宰

與章宰

與楊宰

與臨安王宰

與張朝奉

與王朝議

與蘇朝議

與錢朝議

與吳江曾丞

與李主簿



與汪簿

與平江吳江林尉

與張提幹

與新恩孫學士

與李主管

卷十

與朱提宮

與巡檢李脩武

與李巡檢

與張省幹

與張宣幹

與胡制幹

與何排岸

與劉機宜

與孫宣教

與莊宣教

與胡承務

與沈承務

與鄒承務

與趙解元

與撫州白雲如老

與建康清涼交老

宋孫仲益內簡尺牘目錄

Blank columns for text on the right page.

宋孫仲益內簡尺牘卷一 門人李祖堯編注

錫山蔡焯敦復 增訂 龍孫初篁

與信安郡王孟少傅 名忠厚字仁仲

伏聞制除出殿京口長城隱然與大江為襟帶而劉  
立德孫仲謀之遺跡猶在也緩帶之餘持一觴以酌  
江月無愧於古人矣

增京口 建康實錄孫權於朱方築城因京口 長城 潤

州圖經潤州城號鐵甕城南史檀道濟傳道濟威  
名甚重及見收脫憤投地曰乃壞汝萬里長城

增襟帶王子安滕王閣序孫劉遺跡訂東坡甘露寺詩自注

有石如羊相傳謂之很石云諸葛孔明坐其上與

孫仲謀論曹公也其詩云緬懷卧龍公挾策事

鑽名高有餘想事往無留觀青瑣集潤州甘露寺

有三賢像蓋劉備孫權曹操微時嘗會此羅隱詩

云漢鼎未分聊把手楚醪雖美有同心是也陸游

入蜀記甘露寺在北固山有石世傳漢昭烈吳

大帝嘗據此石共謀曹氏石亡已久寺僧輒取一

石充數游容摩挲太息僧輩往往竊笑按游在觀

後而孫劉緩帶被甲鈴閣之下侍衛不過十數人

事語卻合緩帶被甲鈴閣之下侍衛不過十數人

醉江月東坡赤壁懷古詞人牛

側聆齋艦次里門所冀望履約而高牙大燾刺史

縣令負弩前驅不敢以野服見區區此心必蒙貸答

齋艦注見卷十與履約周禮天官屨人為赤為高

牙大燾訂六一居士畫錦堂記負弩前驅漢書司

傳太守以下郊迎縣令負弩矢先驅史記野服訂

信陵君傳平原君自負鞬矢為公子先引野服晉

公以肺腑之親出當藩翰蕭望之出試馮翊以示大

用之權輿謂當卧護而已而治蹟藹然已随舟車而

東日佇詔追亟正台司以福天下

肺腑訂漢書作肺附劉向言災異封事臣幸得托

肺腑訂漢書作肺附劉向言災異封事臣幸得托

肺腑訂漢書作肺附劉向言災異封事臣幸得托

肺腑訂漢書作肺附劉向言災異封事臣幸得托

肺腑訂漢書作肺附劉向言災異封事臣幸得托

肺腑訂漢書作肺附劉向言災異封事臣幸得托

大邦維屏漢書本傳宣帝察望之經明持蕭望之重論議有餘材任宰相欲詳試  
 其政事復以為左馮翊望之使諭意曰所出為左遷恐  
 有不合意即移病上聞之使守日淺故復大用權輿  
 民以考功君前為平原太守即視事一方之休戚  
 試之於三輔非有所聞也望之寄一方之休戚  
 訂東坡賀蔣發運啓擁節東南上寄一方之休戚  
 考圖廣內示將大用之權輿爾雅釋詁權輿始也  
 詩秦風于嗟乎不承權輿廣韻卧護晉書羊祜  
 造衡自權始造車自輿始也卧護晉書羊祜  
 入朝既至洛陽扶疾引見命乘輦入殿面陳伐吳  
 之計帝以其病使祐卧護諸將又紀瞻傳才兼文  
 武朝廷稱其忠亮雅正以久病請去官增台司南  
 帝曰御雖病為卧護六軍所益多矣增台司南  
 柳慶遠傳從父兄世隆謂慶遠吾昔夢太尉以縵  
 席見賜遂亞台司遠又夢以與汝韋莊詩玉函瑤  
 台檢下

蒙索小詩豈敢自間外容抒思也公一世名王當有  
 翰墨之士道古今而譽盛德安用蒼蠅之聲出於蚯  
 蚓竅中乎

抒思葛立方韻語陽秋詩之有思卒然遇之而莫  
 謂亂思蕩思者言敗之易也譽盛德昌黎送李  
 序才俊滿前道古今而蠅蚓韓集石鼎聯句時於  
 譽盛德入耳而不煩蠅蚓韓集石鼎聯句時於

伏蒙眷記存錄故交小團齋釀遣騎馳貺謹已下拜  
 便欲牽課小詩占謝而哀老癯學須小間作捩鬚之  
 態也

小團歐陽公歸田錄茶品莫貴乎龍鳳團凡八餅重一斤慶歷中蔡君謨為福建轉運使始造

一斤龍團以進其品精絕謂之小團凡二十餅重

其上其貴增齋釀東坡詩齋釀如渾漲綠增下拜

重如此左傳僖九年王使宰孔賜齊侯昨曰伯舅耄老加

勞賜一級無下拜對曰小白余敢貪天子之命無

下拜受增牽課徐陵與族人書率課疲朽不無

鬚安幾個字撚斷數莖鬚

即日春序尚寒恭惟鈞候萬福某自聞弭節里門小  
邦窮陋王公大人辱居之如某者藉令無一日之素  
猶當犇走爭先以快一覩而廢痼之餘懲艾既往見

月而喘故獨在衆人之後尚冀寬貸未賜訶詰

增弭節離騷吾令羲和弭節于漢書司馬相如傳

低所仗爭先快靚唐書李渤傳渤字濬之元和初

信節洛陽令韓愈遺書曰有詔河南敦喻拾遺公朝廷

士引頸東望若景星鳳鳥始見爭先睹之為快

見月而喘世說言語篇滿奮畏風在晉武帝坐北

之奮答云臣猶吳牛見月而喘注今之水牛唯生

江淮間故謂之吳牛也南土多暑而此牛畏熱見

月疑是日所以見月則喘  
某辭去十五六年曳裾王門者衆矣衰老獨無一跡  
今茲暫偈里中尤欲及公未還政路汲汲圖一見而

類有物錮留之竊自嘆也

曳裾漢書鄒陽傳陽與嚴忌枚乘等俱仕吳吳王

書諫曰今臣盡智畢議易精極憲則無國不可增

奸飾固陋之心則何王之門不可曳長裾乎增

惴傳集韻韻會去例切詩不尚惴焉又沆可小惴

增政路察院啓堯薰舜釀謨明弼諧有政路在

某抱疴久而後復齒髮變化頽然一翁固不能以筋

力為禮而尺書亦不數至前甚愧即日祈寒恭惟鈞

候萬福某已迫衰殘冰雪之辰正宜杜門塞向以度

窮臘終欲一詣屏著如約不敢復避矍鑠之嘲也

增齒髮變化昌黎河之水二首寄子姪老成日復

老而先化蘓軾乞常州居住筋力為禮不以筋力

表積憂薰心驚齒髮之先變筋力為禮不以筋力

為尺書古詩遺我雙鯉魚中有尺素增杜門商君

禮公子虔杜門塞向增窮臘

傳公已八年矣塞向增屏著爾雅釋宮門屏之間

戴良歲暮詩寒天催增屏著謂之宁集韻宁通作

日短窮臘逼年夏增屏著謂之宁集韻宁通作

著詩齊風俟我于著乎口約與諸將約先入關者

而毛傳亦訓門屏之間致矍鑠後漢書馬援傳武

寒令方嚴冰霜交至而陽復其中實三微交泰之祥  
共惟履茲穀旦入秉化鈞以福天下慰僉屬也某投

昇荒僻亡繇陪賀或陪上脫厠字之後馳頌而已

陽復易傳一陽為復二陽為泰也增三微後漢書章帝紀

書王者重三正慎三微也注增交泰周易泰卦象

來吉亨則是天交而萬物增穀旦陳風東門詩

通也上下交而其志同也增穀旦穀旦于差孔

旦謂早朝也增化鈞漢書鄒陽傳聖王制世御俗獨

四海以陶鈞增投昇詩卷伯投昇有北有北不

出居象陪賀宋書魏晉冬至日百僚稱

羊麪輒馳獻為公踐長之壽溪毛潢潦可薦於王公  
殆謂此耶尚冀一笑領此意也

踐長王燭寶典十一月建子周之正月冬至日極

影長故有履長之賀冬至影長一丈三尺夏至溪

毛潢潦左傳隱二年澗溪治止之毛穎繁瀝漭之

鬼神可羞於王公

方遣狀未徹牙兵傳教具審大雪鈞候萬福寒冽如

許研冰筆凍重以衰憊起酬累紙重問之貺當以疎

慢獲謹也

起酬訂昌黎雙鳥詩雙鳥海外飛飛到中州一  
千秋兩鳥各閉口萬象銜口反自羞鬼神怕朝詠造  
鳴不休有耳聒皆韻有口反自羞鬼神怕朝詠造  
化皆停留天公怪兩鳥各捉一處因兩鳥既別處  
閉聲省愆尤還當三千秋更起鳴相酬朱子云此  
詩為已與孟郊作葛氏  
韻語陽秋已有此說矣

黃封名酒寵綏流落為林下之光俚俗經此時序問

餉紛然占報不盡銘藏之意

增黃封酒東坡集杜介送魚詩新年已賜黃封酒

穎對詩多買黃封仍分穎尾魚又次韻穆父馬上天  
泥次公註黃封御酒也

酒萬年孟僧靈徹詩人人盡增問餉唐書沈傳師  
道休官去林下何曾見一人

故人帑無儲錢

某去歲迎拜梓宮於城東三十里外執事舟楫在焉

望見前驅冀得伏謁道左而弓戈塞路泥潦沒馬勢

不能前退坐叢祠中又欲具一書而上雨旁風亦不

復果瞻佇太息而已

增梓宮宋高宗紀紹興十二年遣孟忠厚為迎護

梓宮至以忠厚為樞使八月徽宗及顯肅懿節二后  
密使充攢宮總護使伏謁漢書韓嫣傳江都王入

車駕蹕道未行先使媽乘副車從者數十百騎馳  
視獸江都王望見以為天子辟從者伏謁道旁

叢祠夜篲火狐鳴曰大楚興陳勝王柳州詩叢祠



古木 踈 增上雨旁風 昌黎祭南海神廟碑 上雨旁風無所蓋障

向聞秉樞筦日佇廷告遂正宰席雖不如所料然鍾

山故國六朝陳跡尚班然南北解仇江皋徹警阜蓋

領客酒酣援筆賦潮打空城之句亦一快也距門墻

咫尺而聲問不接者兩時哀病之狀想已歇聞不復

汙簡牘也即日冬序晏温共惟鈞候萬福某病餘亦

復上文已訴病狀矣支離猶未堪造請之役歲晏當

伏謁門下

增樞筦 南史周捨傳初范雲卒僉以沈約允當樞筦帝以約輕易不如徐勉於是勉捨同參

國增廷告 揮塵前錄宰相登庸年少者無逾近增

宰席 蔡襄誥身入參鍾山徐援釋問建康東北十

蔣子文討賊戰亡靈發於山因立蔣侯祠故號蔣

山輿地記鍾山元帝渡江之年有紫雲晨見王謙

其形象龍云六朝 訂金陵六朝記吳四主五

宋八主六十季齊七主二十四年梁四主五十六

年陳五主三十四年羅鄴詩四海已歸新雨露六

朝空認皂蓋 後漢書輿服志中二十石增酒酣援

筆東坡眉州遠景樓記酒潮打空城 劉賓客題石

故國周遭在潮打空城寂寞回淮增晏温 漢書志

久苦瘡痛百藥盡試如抱薪湯沸非徒亡益也哀病惡寒不敢附火老饕嗜蝦蟹不敢下箸對酒不敢濡唇危坐塊然殆不知有身世病起出省書研凝塵滿席正如房次律遇故物於破甕中也

**增瘡痛**

抱朴子生瘡痛於玉肌

**抱薪湯沸**

訂漢書董仲舒傳以湯止沸抱薪救

火愈甚也

**增附火**

昌黎畫記寒附火者一人

**老饕**

訂東坡老饕賦蛤半熟而涵酒

蟹微生而帶糟蓋聚物

**增下箸**

晉書何曾傳性奢豪曰食萬錢猶曰

無下箸處

**增濡唇**

東坡大寒贈巢三詩未類聊復濡子唇

**增凝塵**

晉簡文帝

紀帝留心典籍不以居處為意疑塵滿席

**房次**

如也張養浩詩婦勤絲滿簾兒嬾硯凝塵

**律**

訂明皇雜錄開元中房琯宰相廬邢真人和璞

廢佛寺松竹森映和璞以杖叩地令侍者掘數尺

得一瓶子中皆婁師德與永公書和璞謂房曰省

在此乎遂恍然方記其為僧時永公即房之前身

也唐書琯傳字次律東坡詩夏口甕中藏畫像孤

山月下認新聲

中句正使琯事也

自聞問便當馳慰顧以老生常談之言未必能開釋

左右而脩途觸熱又非哀謝所能堪計公必以此推

照其非慢也

此帖舊本在此奉報音帖之後

**增老生常談**

世說何晏鄧颺令管輅作卦卦成輅稱引古義賜曰此老生之常談

**增**

**開釋左右**

東坡答李琮書聞有閨房之戚欲作書奉慰為未必能開釋左右用是稍緩

蒙寵示秦國夫人行狀令誌其墓某罪癘以來銘姻  
舊十數家而已夫人身封大國本朝巨室家世如此  
而樞相郡王與之治喪當屬一時顯者大書深刻以  
表見於無窮迺屬於不腆之辭此公愛念之過未之  
思也

秦國夫人

鴻慶集載本誌秦國夫人王氏故三司

尚書令漢國公諱準之曾孫故金紫光祿大夫尚  
書左僕射兼門下侍郎岐國公贈太師諱珪之孫  
故左正議大夫顯謨閣待制特進諱仲藹之女年  
十九歲適孟氏實昭慈聖獻皇后之母弟中散大  
夫贈太師吳興郡王諱彥弼之婦今少傅保寧軍  
節度使醴泉觀使信安郡王忠厚之妻少傅公繇

顯謨閣直學士秉旄節典大州擢樞要進位保傅  
王信安郡夫人用公貴自碩人進加國夫人加號  
衛國再徙楚國更巨室家世蜀之華陽後徙舒至  
五命而得今封云巨室家世蜀之華陽後徙舒至  
特進公葬於平江之長洲縣今又為平江人熙寧  
元豐間岐公被遇神宗任至宰相鴻名碩實具載  
國史迨今六十餘年子孫以文學政事世其家踐  
臺省登侍從奉使典州前後相望率常數十人而  
女公子之貴尤稱於天下故相太宰華原王鄭公  
之夫人封越國今太師平章僕射秦公之夫人封  
某國隆貴如此而夫師平章僕射秦公之夫人封  
侯王賜號秦國福祿始終於是為盛增大書深刻  
五代史稱魏功德而大書深刻自列其姓名以誇  
之羣臣稱魏功德而大書深刻自列其姓名以誇  
耀於增不腆之辭無不腆鄭註腆善也  
秦國夫人幽堂之銘在門下之舊不敢辭以今世俗

之所尚則不當重勤誨飭姑勉副所須第衰老癯學  
筆力減退徒兩失之也

幽堂

昌黎劉統軍碑有謄有誄有幽堂之銘歐陽公程文簡碑銘幽堂之石隧道之碑得以紀

德昭

勉副所須

本誌夫人將葬信安王以書抵故

以書復曰

吳興王與公同朝

有好而特進公以文

章知名少許

可獨喜誦公之文

則銘其女宜也乃

秦國誌文非某所堪任藉令大手筆如四門助教永

州司馬在世亦非今人所尚况如某者執事矯群庸

猥以見屬遂黽勉塞命又不知能副重意否但學佛

不宜詳說恐涉酸餽氣害於文體更望省警

大手筆

晉書王珣傳夢人以大筆如椽與之入說

所四門助教

唐書李文藝傳歐陽詹舉進士與韓愈

第皆天下選

時稱龍席榜其文章切深回復明辨

為國子監四門助教

訂詳帖意本謂韓愈也愈兩

誤記為助教

耳益永州司馬敏絕倫為文卓偉

精緻一其筆行推仰

第進士博學宏詞科士對文

州司馬其煙厄感鬱

一寓諸文永學佛自少喜誦

佛書晨香夜燈不避

寒暑晚益精練感通佛祖至

有鬻十六羅漢相者視所畫肖焉售之不計其直  
以至廩恤貧乏供施佛僧捐棄金繒殆無虛日持

戒律嚴甚未嘗殺生物供一饌又嘗夢青衣十數輩祈哀甚急既寤有餉蚌蛤者嘖嘖然亟命縱之水中自是終身不御鮮食疾益侵區處後事與家人訣無惘惘可憐之色知佛者以謂夫人自金儒梵帝中來其眇而空也酸餒氣東坡贈惠通詩語刁始猶吹一映而去也酸餒氣帶烟霞逆古少氣含蔬筍到公無語人曰頗解疏筍語否謂無酸餒氣也

殷問不通已復彌月即日雨涼鈞候萬福傳聞秦國夫人喪舟已次慧山比及反震諒復過旬所冀抑情自廣勿過戚戚幸甚

舟次惠山本誌以其年八月庚申葬夫人於常州無錫縣富安鄉許峴村越國夫人之次若干少慧反震禮檀弓既封主人贈而祝宿震尸山在無錫反震既反岌主人與有司視震牲有司

以凡筵舍奠於墓左反日中而虞奠日虞弗忍一日離也

比奉報音伏審即日大暑鈞候萬福秦國夫人婁古與

屢通經七供悼念之情固未易排遣然逝者已超然

在人天之上若悲戀不置則與繫舊本作擊風躡影之流

大不相遠矣敢冀尊生自廣

增七供北史魏胡太后父國珍卒詔自始薨至七皆設千僧齋百日設萬僧齋徐氏讀禮

通攷曰其說本出釋氏不知何王時用為治喪之節其見於史傳則始此又李翱去佛齋說楊垂誤

喪儀其一篇云七七齋日送卒者衣服於佛寺以伸追福翱以為楊氏喪儀其他皆有出獨此傷

禮故論增人天種叅合又命終超形生有欲界六天

名四天王天切利天須欲摩天兜率陀天藥變化  
天他化自在天又有絕欲界十八天名色界天  
繫風躡影訂漢書郊祀志谷永曰軒人挾左道懷  
之盪盪如係風捕影終不可得子瞻與程正輔帖  
止者俛仰之間知在何方立界而我方悲戀不已  
豈非係風捕影增尊生莊子讓王篇能尊生者雖富  
影之流哉增貴不以養傷身雖貧賤不以  
形利累

連被誨存具審秋暑鈞候萬福年來旱澇不常謁晴  
之墨未乾而禱雨之詞復出投老為農閔閔望歲又  
復不諧可以發公一大笑也

**增投老**

王右軍十七帖實望投老得盡田里骨肉之歡

**增閔閔**

左傳閔閔焉如農夫

之望不諧訂更始時童謠諧不諧在赤肩得不得  
歲在河北王融詩杼軸鬱不諧施肩吾詩  
自是命不諧

與汪左丞

伯彥

鉅德元勛社稷所恃手洗虞淵之日力扶杞國之天  
中興之烈舊本作列上所親見而衆媚不容十年去國屬  
者大廷作命進位師保臨授旄鉞坐鎮一方天下  
然日俟公歸非區區之私也不宣

虞淵

高子辭因靈光於虞淵注虞淵曰所入也淮

贊武后乘唐中哀撥生殺柄劫制天下而攘神器  
仁傑蒙恥奮忠以權大謀引張柬之等卒復唐室

功蓋一時人不及知故唐呂溫頌之曰取  
 日虞淵洗光咸池潛授五龍夾之以飛  
 天瑞篇杞國有人憂天地崩墜身之所寄  
 者又有憂彼之所憂者往曉之曰天積氣  
 亡氣奈何憂崩隊乎地積塊爾充塞四虛  
 宋高宗本紀廟謚受命而祀夏周傳九世  
 后羿篡少康復立而祀夏周傳九世厲王  
 宣王復立而繼周漢傳十有一世新莽竊  
 復立而興漢晉傳四世有懷愍之既元帝  
 建鄴唐傳六世有安史之難肅宗即位於  
 傳九世徽欽陷於金高宗續圖於南京六  
 皆稱為中興至於克復舊物則晉元與宋  
 責焉汪伯彥傳太國七年上著中興日曆  
 增作命書說命王增捷鉞擊雲新禮議漢  
 於朝公歸詩見詩函風九率為詩以慰公南行之

思韻必以來字者所以  
 祝公成政而來歸疾也

去遠門下俛仰十年而愚暗自用仕不知止遂觸嚴

譴除藉為民投荒萬里首領幾不保焉比反故廬老

妻公娶章氏幼女名小師公遇疾已亡但見兩冢寸

心摧折追咎無所竊觀漢唐魏晉之間士大夫無明

哲保身之智不量彼已以犯世故之鋒而相隨入於

刀鋸鼎鑊之內者何可勝數如某猶得假餘息於蓋

茅一把之下復何恨但有愧於左右而已

嚴譴訂少陵送鄭虔貶台州詩萬里增除籍投荒

宋高宗紀左朝奉郎孫覲貸死除名象州羈管鴻慶詩鈔小序紹興而後遭值口語斥居象郡久之歸隱太湖增相隨漢書王尊安定到官教丞假息二陵喜聞官軍已臨賊境詩蓋茅一把傳燈錄洪少魚猶假息六蟻欲何逃益茅一把州雲居道膺禪師問洞山良价禪師曰如何是祖師意山曰開黎地後有一把茅蓋頭忽有人問闍黎如何曰罪過

蒙垢自屏不交賓客不談世事一紙之書不至於舊交新貴之門五年矣側聆少傅整愒宣城便欲飾固陋之辭占叙萬一既成復毀至於再三重惟恩舊不敢自取踈絕之罪輒復薦區區於下執事也

增整愒宣城

宋史汪伯彥傳紹興初奉祠知廣州王居玉論不已號職七年帝謂輔臣曰元帥舊僚論謝伯彥實同艱難宜與李復秦檜張浚共贊焉九年知宣州過闕帝謂檜曰伯彥便令之官庶

增成毀再三

用東坡上神宗皇帝書語

與葉左丞

名夢得字少蘊號石林先生

承以蒙頭面壁為日用固所望於公也某客江左始讀其書願雖昏憤不識其趣而一切世間蜂窠蟻垤之隘已可笑也

蒙頭

永嘉禪師證道作歌納被蒙增面壁傳燈錄頭萬事休此昔山僧都不會增面壁傳燈錄磨寓止嵩山少林寺面壁而坐蜂窠蟻垤華山賦終日默肱人莫之測謂之壁觀



見若蟻垤臺九層矣醯鷄往來周東西矣蟻螻紛  
紛秦速亡矣蜂窠聯聯起阿房矣俄而復然立建  
章矣山谷詩蠹房各自開  
戶牖蟻穴或夢封侯王

與張右丞

字達明

某塊處閑寂事大之禮廢缺為愧即日共惟鈞侯萬  
福故歲鄉縣經時不雨田翁鑿井深數丈而不得水  
今夏雨彌月大浸稽天霖霖猶未已杜子美云疇能  
補天漏議者已屬公鍊石之手也

增塊處

曾植求通親親表每增田翁柳河東詩田  
四節之會塊然獨處增田翁柳河東詩田  
黑慎大浸之傷大浸稽天而不溺莫補天漏杜少  
原陸

岑參詩出門復入門雨脚但如舊所向泥活活思  
君令人瘦沉吟坐秋軒餘食錯昏晝寸步曲江頭  
難為一相就吁嗟乎蒼生稼穡不鍊石淮南覽冥  
可救安得誅雲師疇能補天漏四極殺黑龍以濟  
五色石以補蒼天斷鰲足以立四極正淫水涸冀  
冀州積蠶灰以止淫水蒼天補四極正淫水涸冀  
州平狡蟲死顯民  
生背方州抱圓天

臨川山水佳絕別墅又領其要高情超然獨擅一壑  
每讀九章想見其處而以不得從杖屨一快洞心駭  
目之觀以為恨也索詩輒亭課舊本誤上呈幸一讀  
置之

臨川

詩九域志撫州臨川郡謝逸文集序瀕汝增  
以為郡靈谷銅陵諸峯環列為屏障

別墅 晉書謝安傳與幼度圍碁賭別墅唐書領要

少陵漢波西南臺詩懷超然處然一壑世說品

帝問謝鯤曰君自謂何如庾亮曰端委廟堂從

使百僚準則臣宜翁帖小子當奉杖屨以從又

杖屨東坡與劉宜翁帖小子當奉杖屨以從又

心駭目 記歲諸廟中為往來者駭心洞目詭異之

觀又與程懷立帖子明傳神別增牽課孟少傅帖

本願得二軸使觀者洞心駭目增牽課孟少傅帖

增一讀敢復言天下事公一讀訖即燒之而已

附原呈右丞張公別墅圖詩九章

其一澹岩書堂松根絡斷崖石腳泣細泉書堂何

代有故物尚依然右丞今摩詰尚友千季前神交

夢仙舟地勝真朝川散策塵外躡脫屣區中緣孟

尊酌花鳥一醉藉艸眠其二泊湖潭瀉瀉竹樹交

一潭陰寒清已無蛙黽汙尚炯炯珠夜明意行魚

彩灑艷一鏡平我欲激吾齒不挂然此江郊面

自樂坐穩鷗不驚更欲激吾齒不挂然此江郊面

蝦蟇石天公磔蛙死隊地化為石魁然此江郊面

帶蒼煙色葱龍一拳青凝湛半篙碧猶疑老蟾窟

尚吐月中液我來躡其背坐睨倚天鏗鼓吹不復

鳴烟雨空窈窕竹中多寶院穿雲訪密伴倚杖蒼

崖根冥冥篁且獨諶未覺釣石温世風雨過歲

下波邨擁鼻然得遠遊寄此五石尊其五梅仙潭

潭潭雲幕垂樹杪秋聲發飛仙駕青鸞通籍在黃

翽遙見切雲冠尚想凌波靴殷勤小梅花獨照金

昏月生綃溼香霧翠袖卷烟雪忽然東西鬱相望

吹石裂其六黃金臺層臺接叢霄東風惡一夜

靈鍾神秀人物擅一方相君踐台斗爭雄兩巍前

倚薄雲雨近蔽虧星月光陳迹恍如接尊名綴前

芳獨有真男子平生盛孝章其七懷賢菴佳人去  
何之歲月忽已逝懷人昔孟光問道今法喜百年  
草頭露一夢六中蠟見此兩足尊感動淚如洗區  
區記刻舟兒戲亦湯爾永斷三生緣付此一彈指  
其八積翠樓層綺倚高寒突四擅空濶江橫碧羅  
帶山斷青玉玦湛湛清不搖霏霏翠如潑松蹊奮  
蒼鬣苔石換綠髮陰森柔肌栗蒨綯亂眼纈凭關  
送落景一鳥烟中沒其九甘波莊院張公卧江海  
戰羽如鵬躡平生廊廟具投老三家村一壑身所  
寄萬里心自存買花紅廟具座種竹青滿門似聞橋  
生奴漸見桐有孫提壺時見廣一笑空壘尊

### 與胡樞密

名松年字茂老

自長至族黨姻舊俱集比小間已復歲盡又從數十  
田心疏舍菊一故溝欲速之意至與之同卧起也歧

望門墻晨夕西嚮忽蒙隋教讀之凜然若負冰雪具  
審即日春寒鈞候萬福某去遣已見火令及是當有  
侍見之日矣

增跋望門墻

宋史松年本傳以疾提舉洞霄宮卜

增隋教

東坡簡朱康州武昌傳到山在陽羨東

負冰雪

唐書李密傳密持軍嚴雖火令魏武帝明

原至鴈門

冬至後一百有五曰皆絕火食云為介

子推且北

方沍寒之地老少羸弱將有不堪之患

某規並舍之田為小圃因累土為一堆阜凡費廩粟

百斛僅若蟻垤耳雖有愚公移山之意而齒髮缺壞筋力索然其如魁父之邱何可以發公一大笑也

堆阜唐書地理志垂拱二年九月雍州有山壅出高二十丈武后以為佳徵名曰慶山俞文俊

和而堆阜出愚公移山列子湯問篇太行王屋二

北山愚公者年且九十面山而居懲山之南河陽之

出入之迂也聚室而謀畢力平險達於漢陰雜然

相許其妻獻疑曰以君之力曾不能損魁父之邱

如太行王屋何且焉置土石雜曰投諸渤海之尾

隱土之北遂率子孫荷擔者三夫叩石墾壤箕畚

運於渤海之尾鄰人京城氏之孀妻有遺男始

既往助之寒暑易節始一反焉河曲智叟笑而止

之北山愚公長息曰汝曾不若孀妻弱子雖我之

死有子存焉子又生孫孫又生子子孫無窮

匱也而山不加增何者而不平操蛇之神聞之懼

其不已也告之於帝帝感其誠命夸娥氏二子負二山一厝朔東一厝雍南自此冀之南漢之陰無隴斷焉注太行即太行魁父小山在陳留界

連日侍樂飲已復蕭然本作然謂當熟寢數夕而親舊

遺書十數輩闢門待報者猶在也至是亦已矣即日

暑溽蒸惟釣候萬福隆暑方自茲始未卜踵見之日

敢冀眠食厚自持以須告廷

增蕭然莊子齊物論茶然疲役而不知其所歸唐韻茶奴結切疲貌蕭忍氏切說文華盛也

詩彼蕭維何闢門訂正韻丑禁切公羊傳哀公十

音義俱別何闢門六年開之則闢然公羊傳哀公十

儒門雖大盛軒首不敢闢皆以窺覘為義暑溽



重午後拜書饋便屬隆暑不果上狀即日履茲新涼  
共惟鈞候萬福某比去歲雖無恙而積雨浸淫筋骸  
如束終日嗜睡意謂暑退尚復憤憤如故也欲送一  
僧守牛山之冢坐此未果瞻遊門下企踵而已

**增隆暑**

潘岳初伏啓新節隆暑皆方蒸義

**增牛山冢**

牛山非止一處此當在宜

興累公有先塋在其地又見後帖

諛墓之文以嘗塗竄不可汙省覽方別寫一作錄更  
數日當馳介也橫山圖必已下筆千巖萬壑頃刻百  
態而寫之短幅之上所謂咫尺應須論萬里也

**諛墓**

唐書韓愈傳劉又者六一節士聞愈接天

右樊宗師見為獨拜後以爭語不能下賓客因持

**增馳介**

後漢書鄭范陳賈傳贊千巖萬壑

壽愈金數斤去曰此諛墓中人得耳不若與劉若為

語門頤長康從會稽還人問山川

之羨頤云千巖競秀萬壑爭流

藝門蕭貴善書畫嘗於扇上圖山水咫尺之內便

覺萬里為遙少陵戲題王宰畫山水圖歌尤工遠

勢古莫比咫尺應須論萬里

**令升**

舊本誤作

**來過**

董待制

喜聞動止共審履茲冬

序鈞候萬福向來卜日侍宴俎歡呼繼飲容此下客

龍山把菊尚欲托後車從一笑之樂屬方弛擔追懽

筋力老罷不能自彊但遺恨於無窮也

**增**下客

元次山下客謠下客龍山 嘉為桓温參軍

九月九日温宴龍山參僚畢集時佐吏並著戎服有風至吹嘉帽墮嘉不之覺如廁孫盛時在坐

温授紙筆命朝之著嘉坐處嘉見之笑而 **增**弛擔

請紙即答了不容思文辭迨卓四坐嗟嘆 于負擔君之惠也 **增**追歡

數日前具一書舍弟遂留與令升書同遣度今日方

至前而騎吏亦踵門矣省教慰薦良厚具審即日鈞

候萬福陽復而積陰連雨決日不休又繼之雪翁而

後張固其所也無從展慶但有瞻頌

**增**騎吏

漢書韓延壽傳延壽嘗出臨上車騎吏一人後至杜詩洗盞開嘗對馬軍自注軍州

謂驅使騎為馬軍 翁而後張 老子微明篇將欲

某自九江便有命舟之意竟不果比令升約詣郡徑

入西徐聞彦章寓南禪便移舟趨無錫泛宅飄然初

無留礙如某類有物錮留而不能去也哀病惡寒方

負日向隅而坐橫山春到當執鞭弭以從

**增**九江

本傳松年言武昌九江建昌京口吳江錢塘明越宜各屯水戰士為備謀報劉豫於

登萊具舟楫淮陽順昌積芻粟欲侵邊 **增**南

松年往江上與諸將會議進討因覘賊情 **增**南

禪南禪寺碑記無錫南禪寺梁太清間建初名護國又名靈山又名福聖至宋雍熙中易今名在

迎薰泛宅

唐書張志和傳顏真卿為湖州刺史志和來謁真卿以舟敝漏請更之志和曰

願為浮家沉宅

**增負日**

列子楊朱篇宋國有田夫暨春東作自曝於日顧其

妻曰負日之賄人莫知

**增執鞭弭**

左傳僖二十三年左執鞭弭右

屬蔡鍵以與君周旋

邵公玉一去不返遂以喪歸便有曲池既平之歎也

某嘗謂軒冕之樂造物者視之不甚惜每於一邱一

壑之間未嘗輒以予人至公玉然後益信此言為不

謬也

曲池平

訂桓譚新論雍門周見孟嘗君曰一邱一

壑

訂世說巧藝門碩長康畫謝幼輿在巖石裏人問其所以顧曰謝云一邱一壑自謂過之此子

宜置邱壑中

區區欲見之意如痿人之念起既獲所願連日脩具

為公費又不安席俛仰愧怍蒙貶誨札具審初暑鈞

候萬福溽暑養痾宜即爽塏以迎藥喜懽禱之至

痿人念起

漢書韓王信傳信報柴將軍書僕之

**增**

修具

漢書燕王澤傳田生如長安不見澤而假大宅令其子求事呂后所幸大謁者張卿居數

月田生子請張卿臨親修具注親父也具供具也

**增爽塏**

左傳昭三年景公欲更晏子之宅曰

子之宅近市湫隘囂塵不可以居請更之爽塏者

**增養痾**

劉宋江夏王義恭



少得養病便藥喜易无妄九五无妄是志願永畢之疾勿藥有喜

令升坐中又拜朱櫻之餽亟遣一介持歸小兒輩皆

鼓舞拜賜也梅餉奇甚一枝僅盈尺而著百子有把

翫不能釋去者某歸眎圃中已出筍百餘竿梅杏有

著子者繞樹三匝如護其雛特未可折贈也聊發公

一咲

**增**朱櫻左太冲三都賦朱櫻春熟素柰夏成景龍文館記唐太宗與侍臣於樹上接櫻桃恣

其食至晚人籠繞樹三匝魏武帝短歌行月明星稀

賜朱櫻兩籠繞樹三匝烏鵲南飛繞樹三匝何枝

依增護雛東坡濟源草堂詩鄰里亦知

張莘欲求荐狀為成資改官之計其勢雖迫切如某

豈敢喋喋溷聽忽得書云韓侯或當已為補叔詣兄

所失一狀孫內翰而成資在六月道盡塗窮更無他

畫度樞密所薦五士必不盡用於今歲倘蒙改荐於

巫成豈惟幸蒙惠某亦預被賜也尚冀眷存之舊不

以屢瀆謹過

**增**成資白粲天詩兩衙多增喋喋漢書張釋之傳

喋利口增樞密尚書岳飛收復襄漢令松季籌度

捷給我增樞密尚書岳飛收復襄漢令松季籌度

明殿學士僉書樞密院事

即日恭惟鈞候萬福辭去便屬長夏今跼伏田舍如  
被薰灼兩腕疲於扇篔不復近筆硯矣竿牘之間缺  
然彌時莫抒下情第極愧恐

**增**跼伏

江總度支尚書陸君誅平臺累陟石扇也

**增**薰灼

詩憂心如為火所薰灼于已

關以東謂之扇

**增**竿牘

莊子小夫之智不離苞

向見公鄰痛已失所在比涉大暑偃仰自如想益勝

健穉序戒寒公防秋當在茵鼎之間也

**增**戒寒

外傳周語駟見而隕防秋

**防秋**

訂唐書陸贄傳

南江淮兵謂之防秋帖

**增**茵鼎

家語子路曰茵鼎而食

伏領誨飭具聞起居狀為慰顧此衰晚惟公獨見收

郵每獲教寵三復之後櫝而藏之殆盈篋矣十部從

事不足云也朱丞相薨背

丞相名

雖以福祿終始而

善類失依仰可為哀痛鄉州自已茂下世而胡承公

葛魯卿又繼往日者張全真

張叅政

訃音亦至某自

還農圃不齒於諸公造物乘除獨為後死歸然如魯

靈光也

**增**收郵

坡翁答李寺丞書廢棄之人每自

事 晉書劉洪傳洪都督荆州每有興廢手書守相

丁寧款密莫不感悅咸曰得劉公一紙書賢於

十部 **增** 失依仰 宋史朱勝非傳徐府罷

趙達善射有無曰以術微妙頭 **增** 乘除 吳

乘尾除韓退之詩名聲相乘除 **增** 靈光 王延壽魯

序魯靈光殿者蓋景帝程姬之子 **增** 靈光 王延壽魯

也初恭王始都下國好治宮室遂因魯僖基而

營焉遭漢中微盜賊奔突自西京未央建章諸殿

皆見隳壞而靈光獨存意者豈非神明依憑

漢室者以保

向來伏拜戲下重勤省顧館之新室連日治酒食接

慤勤道舊故又過於曩遇愧荷莫知所言即日履茲

徂暑共惟鈞侯萬福炎威暴發如坐甑中橫山奇勝

一壑翛然計公一適在北窗之下也

戲下 訂漢書韓信傳居戲下師古

注在旌旗之下也戲讀曰麾

夏六月 徂暑白香山草堂記

洞北戶來陰風防徂暑也 **橫山** 在吳郡圖經續記

里道經云山四面皆橫蓋以此得名也 又石據湖

越實吳時要地 隋開皇中嘗遷郡於橫山東南湖

是山為屏蔽也 周圍甚廣環以佛刹如薦福楞

辭去之夕戴星而南質明僅次臺李忽遇快風抵湖  
沃辰炊尚未熟也兜輩方治上冢之具以待徑趨龜

潭牛山兩塋侵曉罷歸越日先遣舟絕太湖遂以擔輿入黃川少留循湖入長興路以去行役息息不獲寓一紙馳布區區至今尚懷愧也

**增戴星**

呂氏春秋慮子賤鳴琴而單父治羅隱夜泊義興戲

呈邑宰詩溪畔維舟問

戴星此中三害有圖經

**增質明**

禮禮器質明而始行事

狀在宜興南今土人訛為靈步而邑志又訛泐為

泐

泐

泐

泐

地名古今不同多矣

**增擔輿**

梁書蕭譽傳擔輿者冬月必須裹頭夏月則加蓮葉帽

自領報問便屬昏會雖慳惚怵迫中無時不在門下伏奉誨存稽首拜貺愧不可言具審履茲歲端鈞候

萬福連雪竟此歲及是開霽橫山春色已在先生杖屨之中矣

**履端**

左傳履端於始

**先生杖屨**

歸叟詩文叢源東坡作巖

陶外春在先生杖屨中而秦少游作俞充袞詞有云風生使者旌旄上春在將軍俎豆中余以為依

甚做太

胡騎頓兵境上使驛已三反所望折衝口舌之間少

貸一方肝腦之旤也比得劉鎮江陳景淵陳僧名充書皆

可喜之言庶幾安堵遂卒歲如某所策也某只俟徹

警趨伏門下

增胡騎

杜子美詩洛城一別四年

增使驛

蔡襄回曹

抑宰衡之體時

增折衝

戰國齊策此臣之內謂北

尊俎之間折

增肝腦

司馬相如論巴蜀檄肝安堵

衝席上者也

訂漢高帝入關告諭吏民皆安堵樂業

即日薄寒恭惟鈞候萬福某十日侍坐區區懷戀未

敢言旋屬親翁強酒體中不平遂復辭去歸舍甫定

邊警遽聞晨夕疑懼久不省候寒温冀蒙答此意也

增薄寒

宋玉九辯慙悽增

別去纔宿昔已悵然賦三秋之句即日寒燠不常共

惟鈞候萬福某比次山中冰雪皓然破屋支風幾不

能夕伏蒙招喚生薪豆粥已足以解饑寒而酒肉如

山極一時之盛區區感著未易具陳也

三龜

詩采葛彼采蕭子一

增破屋

昌黎寄靈全詩

裡破屋數

生薪

東坡在黃州大寒贈

豆粥

後漢書

王郎起光武自

煎東

南

至

饒

蕪

蕪

衆皆飢疲異上

豆粥

明

旦

光

武

謂

孫豆粥饑寒俱

解

東

坡

食

豆

粥

酒肉如山

杜少陵醉為馬墜諸公携酒相看詩

花猶在日俯仰

美梨分餉富矣比侍杖履繁

舊本

花猶在日俯仰

卷一

廿六

之間遂供釘舊本作釘坐家釀海錯併已祇拜記存之厚  
品物繁夥衰老之光也

**增釘坐**玉海唐少府監御饌用九盤裝索名九釘  
食今俗宴會粘果列席前曰看席釘坐古

稱釘坐謂釘而不食者唐崔遠**家釀**訂世說賞譽  
門劉尹云見

何次道飲酒使**海錯**書禹貢海  
物惟錯海**品物**訂晉書禮志  
牲牢品物質

文殊**繁夥**訂王元之小畜集詩海  
物雜皆味羅列

涉穉便為趨侍函丈之計而水涸不可舟比得雨又

屬女子從其夫造官少留與之別及此秋殘竟未遂

款門之意區區瞻悵尚何言

**函丈**曲禮席間函丈注函  
增款門而謁注款叩也

大旱之後邨農方以得雨為喜數日來秋稼皆爛死

水中某生長田間今老矣未嘗有也議者謂久旱之

禾得雨正如饑人得食一飽過度遂至僵仆來歲饑

疫恐不免也似聞慶賜將行盜賊亦稍出矣所憂殊

未艾耳

**增秋稼爛**少陵秋雨嘆首章云雨中百草秋  
爛死

消**增饑人一飽**東坡次韻孔毅父久旱已而甚雨  
息增饑人一飽詩饑人忽夢餘甌溢夢中一飽百

憂失只知夢飽本來  
空未悟真飢定何物

陽復於陰川池凝沍雪之交句恐有巨人長德善類  
所恃所冀面致頌言以抒下情而哀瘵不堪趨走第  
頓顙南向而已

增巨人長德

昌黎權公墓碑天子以為宰相

增抒下情

班固兩都賦序或以抒下情而通諷諭或以宣上德而盡忠孝

某自湖泐由徑入善權祖送處便道過潼渚省族兄  
留一夕節竟趨北門就舟日已曛矣詰旦奠成對別  
令胡回詣朋溪以還久客歸心如飛不果重詣必蒙貸  
答

湖泐

註見前

增善權

本名善卷洞在宜興國山東南

皆峭壁刻佛像有石柱高丈餘號玉柱唐朋溪董  
張祐題其壁云金函崇寶藏玉柱闕靈根  
升自跡所居之溪曰朋溪謂與溪為朋也公文集有記

審聞已消日徙橫山新第吞舟久困於泥蟠地大天  
寬一洗耳目之隘而足膝尤利高爽及是當不藥而  
愈也

吞舟

莊子康桑楚夫函車之獸介而離山則不免

之泥蟠

楊子法言問神篇龍

增足鄰

前有膝能苦

某陪橫山杖屨以來見公手植今叅天矣杜子美有

仔細看茱萸猶未卜明年健否而公少留異縣為谿  
山風月主門下老賓客奉周旋坐閱十春未有如某  
者區區欣幸不知所云也

參天

杜少陵古柏行黛色參天二千尺

看茱萸

杜少陵九日藍田崔氏莊詩明年此

會知誰健醉把茱萸

任細看西京雜記武帝宮

增

人賈佩蘭佩茱萸食蓬餌飲菊花酒令人長壽

異縣

古詩他鄉各異縣逢舊及初欣寫

增

別贊上人異縣逢舊及初欣寫

山風月

東坡與范子豐帖江山風月

增

本無常主閒者便是主人

醉為馬

醉侯老賓客罷酒酣歌拓金戟

增

諸侯老賓客罷酒酣歌拓金戟

行父奉以周旋未敢失墜

某陪几杖六七年久勤館人未有過於前日者臨分  
又蒙酒醪果醢送將之厚區區欣戴莫喻此心即日  
初暑恭惟鈞候萬福某歸途水涸推舟而進凡四日  
僅抵邨舍並河之民以錢酒餉吏卒乞斗升之水如  
救頭然之急樞密雖家居諒不廢憫雨意也

增勤館人

昌黎新修滕王閣記以太原王公為中丞觀察江南西道令備於庭戶數日之

命於幕下無一事可假而行者又安得舍已所事

間而人自得於湖山千里之外吾雖欲出意見聽

增

以勤增臨分東坡送歐陽推官詩臨增推舟

館人

舟疏盪推也

增

陸地推舟而行

斗升之水

莊子外物篇莊周家貧

增

故往貸粟于監河侯監



河侯曰諾我將得邑金將貸子三百金可乎莊周  
忿然作色曰周昨來顧視車轍中有鮒魚焉曰我  
東海之波臣也君豈有斗升之水而活我哉周曰  
諾我且南游吳越激西江之水而迎子可乎鮒魚  
忿然作色曰吾得斗升之水然活耳肆救頭然藥師  
君乃言此曾不如索我於枯魚之肆救頭然藥師  
源如救頭然無懈急**家居憫雨**東坡與錢濟明帖  
起兩山間陰威凜然舊作郡時常以祈雨有應今  
夕具香燈試禱之濟明雖家居必不廢憫雨意可  
來燔一炷香否

某買田舍芻欲畦而為圃偶鄰翁猶有未獲之禾收  
刈甫畢又須屬一日者占相一堂之地然後乞所分  
花木種之人還馳告輟賜甚設小舟不能容則又大

過所望今別謀一大船自錫邑徑趨橫山之下矣日  
佇拜貺手自封殖當賦角弓之詩以無忘盛德

日者訂墨子墨子北之齊遇日者史記日者傳注  
古占候卜筮通謂之日者索隱紫名卜筮

占候時日以墨子所以卜筮也**增占相**周禮春官保章  
次序其事魏志管輅傳注仰**增甚設**史記刺客聶

觀風角占相之道無不精微**增甚設**政傳宗族盛  
多屈靈兵衛甚**賦角弓**左傳昭八年晉侯使韓宣

設說文施陳也**賦角弓**子來聘公享之韓子賦角  
弓既享宴於季氏有嘉樹焉宣子譽之武子曰宿

敢不封殖此樹以無忘角弓遂賦甘棠宣子曰起  
不堪也無

以及召公

今賜花木比從無錫挽一空綱字恐至而小港又不

能容拙于用大可以一咲也今以書抵縣尹儼兩空

舟領賜它日甘棠之懋自今始也此帖舊本在後

**增**綱集韻居郎切亦作頡博雅瓶也詳文義當指

故分一為兩若作岳罷何拙於用大莊子道遙遊

至港不能容其誤無疑我壽之成而實五石以盛

曰魏王貽我大瓠之種剖之以為瓢則瓠落無所

容非不喝朕大也吾為其無用而甘棠詩甘棠蔽

比一再上記伏蒙遣騎馳報非所敢望也即日冬序

薄寒恭惟鈞候萬福某病體已無恙猶未堪作勞一

出而從事則頽然就卧然枝之他日則有間矣書詞

拊慰祇荷眷憐度可去家即詣門下

一再漢書司馬相如傳臨邛令前奏琴相如辭謝

見終不為鼓一再行增坡公簡知縣近日雖獲一再

盡區區無恙見史記范雎傳老母幸增作勞昏作勞不

對無恙見刺客傳恙憂也增容齋隨筆范

伏自改轅便欲追逐後騎而去竟以事違瞻望絕塵

悵然有不可及之嘆辭去又復逾月連雨共惟鈞候

復何如踐長光亨之始當彊起以慰天下蒼生之望

也

**增**改轅

左傳宣十二年郟之戰改乘轅而北之陽

御絕塵不及

莊子田子方篇顏淵問於仲尼曰夫

奔逸絕塵而回瞳若乎後矣增後漢書趙咨傳咨

為東海相之官道經滎陽令曾曷咨之故孝廉也

迎路候謁咨不為留曷蒼生望晉書謝安傳謝萬

志昔季已四十餘矣征西大將軍桓温辟為司馬

將發新亭朝士咸送中丞高崧戲之曰卿屢違朝

指高卧東山諸人每相與言安石不肯

新第落成市聲不入耳俗軌不至門客至命坐青山

當户流水在左輒談世事便當以大白浮之使不得

言也如某當晨夕奉杖履亦復掃迹瞻悵不可以言

**增**落成

詩斯干序箋宣王築宮廟羣寢既成而豐

昭七年楚子成章華

**青山流水**

歸叟詩文藝源東

園詩只從頭四句便已都說盡云青山在屋上流

**浮大白**

說苑魏文侯與大夫飲使公乘不仁為

畫在屋下有中五畝園花竹秀而埜以便可圖

盡不仁舉白浮君東坡贈孫莘老詩掃迹文或飛

若對青山談世事當須舉白便浮君掃迹

蔡煌體乾校  
其炳用謙

頌卷一

天門張玉穀嘉氏書

宋孫仲益內簡尺牘卷二 門人李祖堯編注

錫山蔡

焯敦復

增訂

龍孫初篁

與胡樞密

名見前卷

自承尊幼徙寓大府日欲面致頌言遂不復遣問即  
日溽暑蒸惟鈞候萬福靈雨連日晝夜不止弊與敝通  
廬所占地竄高仰一夕漫而為壑荆谿汙下可以想  
見獨橫山之址下瞰四隣先物之幾非庸衆之所能  
及也

頌言禮檀弓晉獻文子成室張老曰美哉矣焉歌于斯哭于斯聚國旗于斯文子曰

是全要領以從先大夫於斯聚國旗于斯文子曰

面再拜稽首君子謂之善頌善禱也北弊廬齊莊公

襲莒于奪杞梁死焉其妻迎其柩于路而哭之哀

在公使人吊之對曰君之臣免于罪則有先人之哀

敝廬在君增占地李衛公問對畫地每部占地二千二百

無所辱命增占地步開方之形也每部占地二千二百

四處所謂陣間容陣者也增高仰漢書溝洫志兒

請穿六輔渠以益溉增荆谿一統志宜興本吳荆

鄭國菊高仰之田澆澆可鑑溪南峯巒相映如畫名賢多取為隱處

上通蕪湖下注震澤達松江而入于海溪流既遠

勝之先物之幾易繫辭幾者動之微吉之先

遷徙一審紛紛及是必已安堵僑居隘陋一旦決然

舍去千巘萬壑左右照映卧北窗之好風望西山之  
佳氣人生亦有一適如此時乎緬想神宇脩然百體  
堅壯過藥石之功遠矣

增僑居魏書杜銓傳超謂銓曰既是宗近何緣復

歸千巖萬壑見卷一諛一適北齊邢子才傳望實

校嘗笑曰小屋有書甚多不堪雙增神宇世說王子

俱坐一室忽發火子猷遠走避不遑取增脩然通

脩類篇思邀切音宵脩然見下帖

酷暑彌時意謂不復有清涼之日矣一雨脩然粗有

生意方欲遣狀已拜誨函之辱病眼豁然如侍珠玉  
之側欣荷之私尚須登門以謝萬一

**增**脩然

莊子大宗師脩然而往白香山松聲珠玉詩竟夕遂不寐通體俱脩然亦作蕭珠玉

之側

訂世說容止門驃騎王武子是衛玠之舅傷與有風姿見玠輒嘆曰珠玉在側覺我形穢

老罷之餘遣狀草草方領報問又枉手誨開闔數反

欣玩亡窮具審履茲涼秋鈞候萬福梓宮過郡樞密

望哭於城南數里外如西徐當詣橫林屬者製中宮

之服當

舊本作嘗

往從之以所被旨惟所過州縣寄居官

吏當迎拜凡舍於郊者不預焉某欲隨衆一往而廢

錮中有強聒之嫌借合當往必在城東橫林道上比  
及竣事回詣東橋行李當有兩日之淹欲少竢穉晚  
拜伏門下

**增**老罷

劉歆移讓太常博士書往者綴學之士不

碎辭學者罷老且不究

**增**草草

昌黎論史書附黨

言于今何所承受取信而可

**增**樞密

馬氏通攷樞

宋與中書對持文武二柄號為二府容齋隨筆唐

**增**樞密

密唐代宗置

政每遇大忌與中

**增**西徐

前卷自九江帖已

**增**橫

林由常州郡城循運河而

**增**中宮服

周禮內宰疏

后為中宮宋史后妃傳高宗憲節邢皇后康邸夫  
 人從三宮北遷及即位遙冊為皇后紹興九年崩  
 於五國城得崩聞輟朝行釋增寄居官李劉四六  
 服之祭十二年八月梓宮至增寄居官標準有致  
 寄居官諸如云裁吾黨之斐然事是邦之賢者  
 固已重清席九九之鼎謂當應泰階兩兩之符乃  
 廿松菊之主暫作園林之勝事增癸錮謝武相  
 蓋謂領祠謝政閑住寄祿等官也增癸錮謝武相  
 公啓錮一坐飛增強聒莊子天下篇上說下教雖天  
 語癸錮十年增強聒莊子天下篇上說下教雖天  
 人將有行必先治裝如增行李左傳僖三十年行李之往來共其乏困外  
 孟子言治理亦治也

郡中報梓宮渡京口持書者見報云張叅趨丹陽道  
 上五馬餞於郊而樞密館於鄉校赴早集矣繼領誨

答始悟傳者之妄誕謬成俗數十里之外便不可信  
 可以一歎也即日秋高恭惟鈞候萬福某風雨中野  
 次八日蔀屋之下衣衾沾濕體中益不佳矣調護稍  
 復小舟馳造

**增五馬**潘子真詩話天子六馬左右驂三公九卿

守駟馬而已其有加秩二千石乃右驂故以五馬

為太守美稱遜齋間覽漢時朝臣出使為太守增

一馬故**增鄉校**左傳鄭人遊于**增**誕謾老泉管仲

曰五馬**增野次**晉馬榮歲公宜露營野次星言風

信也**增**蔀屋易豐卦六二九四豐其蔀上六豐其屋

某請違未久又枉誨函恍若侍坐聞歎唾之音也即日薄寒共惟鈞侯萬福郡檄報中宮之訃地遠犇赴不逮遂戴星從橫林官吏發哀製服三日竣事而還方此解裝上狀極草草此與前二簡語多複出不相照似別致他人者

**增**歎唾莊子漁父篇竊待於下風幸聞歎唾之音**增**解裝鄭岵津陽門詩酒家頌客

催解裝案前羅列樽與卮

某投老作蠶伏蒙樞密邀致諸公俛臨窮陋一時歎豔以為寵偶屬遷徙不即伏拜門下占叙感悰尚恃眷恤察知愚鈍許司馬著帽進也

**增**作蠶六一居士詩有似蠶作繭縮身將自裁**著帽進**晉書謝安傳桓温詣謝安

值其理髮安性遲緩久而方罷使取幘温見留之曰令司馬著帽進其見重如此

某辱顧之厚當是賀厦一人之數初議繫舟大聖堂假一榻之地而大浸如此魚龍入室必不見容少須當具裝矣

**賀厦**淮南子大厦成而燕雀相賀湯沐具而織**增**一榻唐書裴坦傳故事舍

人初詢省視事施一榻堂上罷角而聖羊**大浸**見融詩秋成準擬重來以沈醉何妨一榻眠

一與張**魚龍入室**東坡秋易賦舟行**增**少須左傳

右丞帖**魚龍入室**城郭魚龍入室

少須少須

衆思盡



即日秋暑恭惟鈞候萬福某比辱誨谷審聞體胖意  
適盡復其舊此天意不待占也白鷗令築今復何如  
公微痾已去體矣如烟霞痼疾未易以砭藥除也一  
笑

**增白鷗築**

當是胡樞密別館之名

**煙霞痼疾**

唐書隱逸田遊巖傳高宗幸嵩

山親至其門遊岩野服出拜儀止謹樸帝謂曰先

**增砭藥**

石砭石也季世無佳石以鐵代之蘇長公注

詩而我癩拙病不受砭藥除

秋氣益高橫山之下谿光接天以目力之盡為界而

以拘係不得從公一日之適梁仲謀梁尚書約同載名凌嘉  
詣門下比得書云當在展墓後尚恐遷延即扁舟獨  
往矣

**增秋氣高**

少陵詩千崖秋色氣高杜牧詩

**增目盡為**

**界**

揚子雲較獵賦東瞰何盡東坡聚遠樓拘係隨

**增同載**

蜀志費禕傳丞相亮南征還羣僚於

**增展墓**

禮檀弓展墓而相識乃就循賀循入洛

**增遷延**

左傳襄十四年諸侯之大從晉侯伐秦

遷延之役

某念當造門不復遣狀使臨貶教具審春和鈞候萬福蒙諭以足鄰尚未紓論者謂甲辰丙寅歲運有情此言是也體中日勝當自今始公杜門養恬存神守氣萬頃之量不可澄撓造物者將以予為此拘拘耶

增甲辰丙寅

祿命書甲祿寅乙祿卯丙祿戌祿巳丁巳祿午庚祿申辛祿酉壬祿亥癸祿子

子此言有情

增養恬

恬莊子繕性篇古之治道者以恬養知生而無以知為也謂

之以此知養恬知其與恬交萬頃宗世說德行門郭林相養而和理出其性萬頃宗至汝南造袁奉高車不停軌鸞不輟輒詣黃村度乃彌日信宿人問其故林宗曰紉度汪汪如萬頃之波澄之不清擾

之不濁其氣深

拘拘

莊子大宗師子祀子輿子犁

廣難測量也與有病子祀往問之曰偉哉夫造物者將以予為此拘拘也

一去門下寒暑易節猶當以數致書為恭而屬字多事心迹不相關矣尚冀公索之於形骸之外也忽拜使者於門函教寵存慰薦加厚但以踈慢自訟而已

增心跡

杜詩屏跡三首杖藜形骸之外符令子德充

我遊於形骸之內而子索我於形骸之外不亦過乎

即日薄寒恭惟鈞候萬福某蒙一頤之重光貴衰老

席門之下長者車轍盡於一肯足以追聚星之盛新

築甫就獲以榮耀勿勿啓報莫叙感歲之意也

增一頤蕭子顯自序一頤之恩非望而至席門車

轍陳平傳家迺負郭窮巷以席聚星仲弓從諸子

姪造荀季和父子於時德星聚太史奏五百里內

賢人聚增東坡聚星堂雪詩引元祐六年十一月

歐陽公作守時雪中約客賦詩禁體物語於難難

公後雖不追配先生而賓客之羨殆不減當時

輒舉前令各賦一章六一增勿勿顏氏家訓書翰

集雪詩注公時在潁州增勿勿稱勿勿不知所

由或妄言此勿勿之殘缺者及考說文乃知忽遽

者稱為勿勿東觀餘論今俗勿中加點作勿為忽

遽字彌增感歲凍水蒼張尉書承賜書豈有人嘗

失真矣增感歲以不肖欺聽聞耶何足下所與之

過也始愧中懼終於感歲知幸知幸

自車騎改轅稚女從其夫遠官老懷自不釋然而舍

弟疾痛大作呻呼徹旦方召鑿而服仲謀所遺藥遂

良已曲蒙存省錄示秘方拜貺銘荷為肘後之歲也

增名鑿舊唐書李勣傳勣遇疾家肘後陶貞白肘

序余宅身幽嶺迄將十載雖每植德施功多止一

時之設可以傳芳遠裔者莫過於撰述見葛氏肘

八

後細碎殊足申一隅之思輒更採集補闕凡一百  
一首以朱書甄別為肘後百一方於雜病單治畧  
為周  
編矣

舍弟蒙別紙存記病餘未果具書占謝小兒獲侍公  
側所謂凡此坐中人十九持鈞樞獨無韓公示兒之  
句以紀新堂賓客之盛領書又沐題品衰老感嘆而  
已

韓公示兒

示兒詩開門問誰來無非御大夫不知  
官高卑玉帶懸金魚問客之匹為我冠

誦唐虞酒食罷無為碁樂以相娛凡此坐中人  
十九持鈞樞洪氏辨證謂李絳崔羣之徒也

堂又示兒詩中增題品東坡監試詩此邦東

即日履茲新春茶惟鈞候萬福其中冬冀一望後塵  
俯仰忽見歲換逋慢癢禮遂無以藉口第頓首南向  
而已

望塵

晉書潘岳傳岳與石崇論事  
賈謐每候其出望塵而拜

增歲換白香山詩別君

只如昨芳歲換六七蘇長公立春  
日詩不驚新歲換聊與故人談

增逋慢晉書齊獻王攸

傳先王馭世明罰勅法  
鞭朴作教以正逋慢

前日遣舟還麾下併致媿謝之意度已冒聞即日雨  
寒鈞候復何如樞密久於異縣屬此時序未能免俗  
想亦紛然區區竿牘之私又勤省覽尚冀答怨

麾下史記漢書作戲注戲讀曰麾戲未能免俗訂世說任誕門阮

居道北北阮皆富南阮貧七月七日北阮盛晒衣

皆紗羅錦綺仲容以竿挂大布犢鼻輝於中庭人

某以暑中苦瘡痛而苛癢不可耐爬搔次骨久乃作

痛意緒無慘坐此不肯具問恐愧何言某築室正紛

然本為營生歸宿之地而慮之無素費出十倍遂不

償此勞也

增苛癢禮內則疾痛苛癢而敬抑搔之爾雅釋言

議給虜書疏豈直疥癢增爬搔昌黎集孟刑部融

輕痾容為心腹重患增爬搔句懽興劇爬疥注

把蒲庖切則知唐字今不出者多蘇軾詩南總晴

日照搔增次骨史記酷吏傳內深增築室詩小旻如

道謀半山詩會將築室反增歸宿荀子終日言成

則調然無所歸宿蘓軾詩增歸宿文典及糾察之

田園不早定歸宿終安在

分賜龍焙絕品謹已拜辱今年茶餉未至以公所賜

為第一義也未敢烹試詰朝薦先而後飲其餘矣

龍焙訂東坡西江月詞龍焙今年絕品谷籊自第

一義益州保善寺無住禪師杜鴻漸問何名第一

無有次第亦無出入公曰蒙師開示不可思議按

座則結推云諦觀法  
**增詰朝**左傳成二年詰朝請見杜注詰朝平旦

親舊書信斗水直百錢渴欲死矣安知橫山主人吞

雲夢八九而不帶芥於曾中乎路公弼尹應天犯大

暑犇命而去某以為不如据南柯之枕猶有一餉之

榮也

**斗水**少陵引水詩白帝城西萬竹蟠接筒引水啖

用莊子斗升之語也**吞雲夢**司馬相如子虛賦秋田乎青邱彷徨乎海外吞若雲夢者

八九於其胸中曾不帶**增應天**宋地理志河南郡歸德軍節度本唐

宋州景德三年升為應天府**奔命**左傳楚罷南柯

大中祥符七年建為南京

謂異聞錄淳于棼夢入大槐安國尚金枝公主王

寤于槐樹下尋穴有大穴洞然明朗一大蟻**增一**

乃王也又一穴直上南枝即所領南柯郡也

**餉**韓退之詩雖得一餉樂有如聚飛蚊蘓子瞻詩

亦有夢短一餉君勿謂免使退之嘲一餉鴻慶本集

餉榮之句

橫山稍有郡人携客造觀者前日狐狸之宅一經點

化遂為冠世絕境三絕句上呈當公一咲吾詩無傑

句萬景驕莫隨正謂此也

**狐狸宅**左傳襄十四年賜我南鄙**增點化**國老談化賀蘭

歸真隱居嵩山真宗召問曰**增吾詩二句**此蘇長公寄謝

秦太虛黃樓賦詩其篇首云我在黃樓上欲作黃樓詩忽得故人書中有黃樓詞其中即二句云云

附原三絕句

波間拍點見青紅雪脊峻增倚半空刃出生綃三百幅遊人渾在函圖中一蒼雲十畝蔭平寬露葉風枝繞舍寒算遣先生賦歸去且令小吏報平安溜雨蒼皮四十圍年來又見子孫枝龍鍾白首門前客待看成陰合抱肯三

輒以橫山小詩繼眾作之後以發一笑然公豈山中

之人為蒼生彊起光輔中興功遂身退然後歸西州

表東海亦未晚耳

增豈山中人也東坡方山子傳方山子光黃間隱人

悍之色猶見於眉間為蒼生起見前功遂身退老子

而豈山中之人哉知不足辱知止不殆功歸西州雖受朝寄東山之

志成始末不渝及鎮析城欲須經畧粗定自江道還

東遇疾遂還都聞當與入西州門自以本志不遂

原橫山堂詩

既失自表東海公左傳襄二十九年表東海者其太

通我公擅一壑層雲生盪胸放眼八極外坐驚兩

腋風我我十二鬟半坐簾幕重脩眉新畫就一

翠掃空欣對暝平生似為悅已容百金置酒地窗

車往往載客從太白琢天巧朱絃奏三終溪山久

橫山下榻卧老龍功名方鼎來龜祥地非熊勒  
石頌中興臺兩宮崇西州歸謝傅東海表太公  
千年丁令威騎鶴還故宮

別紙論陶淵明陳元龍出處大致非世論所及也某  
藿食者也而肝腦實繫肉食者休戚故嘗撫按而起  
有秦無人之歎一從接待聞訖論之餘然後知張公  
之在江海也

陶淵明訂晉書隱逸傳潛少懷高尚博學善屬文  
澤令在縣公田悉令種秫義熙三年解印去縣賦  
歸去來辭家務悉委之兒僕推詠不輟以自終  
南史隱逸傳叙論若道義內足希微兩忘歲影窮  
巖蔽形愚谷則名教之外別有風猷或憲全後悔

事歸知殆或道有不申行嗟山澤皆用宇宙而成  
心借風雲以為氣若夫陶潛之徒斯並向時隱淪  
之徒陳元龍訂魏志呂布傳陳登字元龍許汜與  
人見元龍久不與語自上下大氣不除昔遭亂過  
邳曰君有國士之名天下大亂而君求田問舍何  
備得與君語如小人欲卧百尺樓上卧君於地何  
緣得上床之間即先賢行狀登拜伏將軍有吞  
但祖上下邳登帥郡兵為先驅拜伏將軍有吞  
滅江南之志遷東城太守孫權遂跨有江外太祖  
每臨江而嘆恨不早用元龍計令封豕養其爪牙  
藿食肉食訂說苑東郭祖朝上書於晉獻公請問  
者何與焉祖朝曰肉食者一旦失計于廟堂之增  
上若臣等藿食寧無肝腦塗地於中原之野乎增  
撫按南史王融傳融為中書嘗撫案嘆曰秦無人



左傳文十三年秦使士會行繞朝贈之張公詩洗  
以策曰子無謂秦無人吾謀遠不用也  
兵馬張公一生江海客身長九尺鬚眉蒼微起  
遇風雲會扶顛始知籌策良東坡云謂張鎬也  
唐書鎬字從周風儀魁岸好談王霸大畧自褐衣  
拜左拾遺元宗幸蜀自山谷徒步扈從元宗遣赴  
行在至鳳翔奏議多有宏益  
拜諫議大夫尋代房瑄為相

龜潭冢舍猥勤騎從存沒之寵而以不獲迎望車馬  
之塵為媿某自陪杖屨一覽楚山然後起猶龍之歎  
而已進之悔不可追也蒙示六秀書雖未能盡讀叙  
引所載一二信天下之奇書也

猶龍史記老子傳孔子適周問禮於老子公謂弟  
子曰鳥吾知其能飛魚吾知其能游獸吾知其

其能走走者可以為網游者可以為綸飛者可以  
為矰至於龍吾不能知其乘風雲而上天吾今日  
見老子其**增六秀書**鮑照河清頌金芝九基  
木禾六秀胡書侯攷

某自去違墻屏念欲啓問動止久不果一僧還山就  
令持書詣門下而不敢勒報貺伏蒙遣介馳賜翰墨  
恭承嘉惠何喜如之某具審即日鈞候萬福某蒙招  
喚幸甚得具小舟從公於溪上真入紅蓮幕矣第方  
暑豈當勤攬衣故未敢前也

**增動止**荀子齊給便利則節之以動止南史王和  
傳和既人望所宗造次必存禮法凡動止  
**增嘉惠**賈誼弔屈原賦恭承  
謂為王太保家法

紅蓮幕訂南史庾杲之傳杲之字景行王儉用為衛將軍長史蕭緬與儉書曰庾景行泛綠水依芙蓉何其麗也時人以入儉府為蓮花池故緬書羨之

與楊樞密

增攬衣古詩攬衣曳長帶

某去違二紀之餘用舍殊致固已形隔而區區祈向又不得見於咫尺之書馳心而已即日春寒恭惟鈞候萬福某遭時多故數蹈危機憂懼萬端險阻百態屬有天幸得遂首邱獨有門墻相望千里無從接奉臨書太息不宣

增形隔

東坡和陶子驥雖

咫尺之書

漢書韓信傳李左車曰發

一乘之使奉咫尺之書師古注八寸曰咫尺者言其簡牘或長咫尺或長尺喻輕率也今俗言尺書或言尺牘蓋其遺語天幸訂漢書霍去病傳敢深入常與壯絕首邱訂禮檀弓古人有言曰狐死正丘首仁也也晉書載記慕容暉於昌黎為符堅所執堅詰其奔狀暉對曰狐死首邱欲歸死於先人墳墓爾白帟通言不忘本也

執事宦成名立暫愒神館一時生民休戚人品高下百聞不如一見審矣他日宰天下次第施行當以功名為一代宗臣所冀加護茵鼎以佇廷告

增宦成名立

漢書疏廣傳仕宦至二千石宦

增神

館溫子昇舜廟碑靈宮肅肅神館微微

增百聞一

增百聞一

見漢書趙充國傳充國宰天下訂漢書陳平傳里

其均里父老曰善陳孺子之為宰平矣宗臣漢書蕭

曰嗟乎使平得宰天下亦如是肉矣茵鼎注見卷一

某自歸田不復居城府結屋數椽於三家之市公始

蹟後遷西徐以安餘命而老境日侵死亡無日尚及見公

台鼎之拜否也四明浙東佳處年來士大夫避地多

在溫州溫明即四間有與晤語者否某幸而不歿他日

猶欲乘牛車造公東閣一觀天下之士也

歸田訂文選張平子有歸田賦淵明歸去來辭田

歸山江裊應笑為我頑我謝江增城府後漢隱逸

神豈得已有田不歸如江水增城府傳龐公居

峴山之南未增三家市劍南集亦有之青旆四明

洞天記四明山二百八十峯洞周回一百八十里

名四明乘牛車漢書朱雲傳雲不復仕常居鄆田

在明州乘牛車時出乘牛車從諸生所過皆敬事

焉薛宣為丞相雲往見之宣備賓主禮因留雲宿

後容謂雲曰在田埜亡事且留我東閣可以觀四

某罪垢所向累人不敢數以姓名聞於執事向貶誨

飭慰藉陳人蒙賜已厚比唐益裕一再過具言公已

不可言也即日履茲涼秋恭惟鈞侯動止萬福某築  
室三間門以兩版面壁跌坐以觀六十年之非樞密  
在廊廟餘光所照卑栖俯啄無復仰而四顧之懼日  
佇廷告亟躋宰當有席字福天下慰此區區今世俗所尚  
以數造門為恭否則以數致書為勤某伐樹削迹不  
齒於縉紳固不容輒登一時貴人之門而寒温之問  
不出於東阡西陌豈敢飾固陋之辭詭詭強聒以觸  
犯嚴之臯然區區系心門下如挹飢渴與夫晨夕躬  
掃除進竿牘如世俗所謂文具者固有間矣高明所

照必諒此心

陳人

莊子寓言人而無道是以先人無人

增三間

世說

徒在洛見陸機兄弟住三間瓦屋士龍住東頭士

衡住西頭白樂天詩五架三間新州堂石階桂柱

增兩版

韓吏部剝啄行門面壁注見卷一

增

增

增

墻編

增

增

增

增

增

增

跌坐

法苑珠林致敬篇跋跌不垂

增

增

增

增

增

則陽遠伯玉行年六十而六十化未嘗不始于是

之而卒誦之以非也未知今之所謂是之非五十

九非也東坡答王幼安宣德啓求田問舍餘光

為三百指之養杜門面壁觀六十年之非餘光

記甘茂傳蘓代為齊使于秦茂曰臣聞貧人女與

富人女會績貧人女曰我無以買燭而子之燭

幸有餘子可分我

增卑

增

增

增

增

增

增

餘光無損子明

增

增

增

增

增

增

增

增

增

增

增

增

增

月仙有高曜俯啄昌黎送浮屠文暢師序夫鳥  
 鳴鳳無卑栖伐樹削跡莊子天運孔子西遊于衛師  
 出懼物之也為已害也文繡尸祝齋戒以將之今夫亦取先  
 篋行中以文繡尸祝齋戒以將之今夫亦取先  
 王已陳之豹狗取弟子遊居寢卧其下故伐於  
 宋削跡於衛窮於商周是相與鄰是非其圍於陳蔡  
 之聞七日不火食歿生相與鄰是非其圍於陳蔡  
 寒溫謝安二兄多言俗事馱之寒溫而操之俱  
 無人訪語默東阡西陌西為陌增俗通南北為阡東  
 何處叙寒溫蜀志孟光傳光好公羊春秋而譏訶  
 五為增詭詭左氏每與來敏爭以此二義光嘗詭詭  
 主客法言或曰詭詭者天下皆訟也奚其存曰暑  
 是為也天下之止聖也久矣詭詭詭詭  
 詭詭詭詭詭詭詭詭詭詭詭詭詭詭詭詭  
 而精之是在其中矣強聒胡樞密帖增犯嚴

梅亭四六亦見之幽桂遺榛管底敢累犯掃除  
 巖之口江梅托桃李但欲薰自潔之香掃除周  
 夏官隸僕掌五寢竿牘註見本卷增文具漢量錯  
 之掃除糞灑之事竿牘註見本卷增文具漢量錯  
 刀筆之吏其弊徒竿牘註見本卷增文具漢量錯  
 文具無惻隱之實竿牘註見本卷增文具漢量錯

猖狂妄行自陷於大譴大呵之域尚復何言而哀窮  
 悼屈不忍辱在塗塗必欲援而出之獨執事有惓惓  
 不已之意某去公門墻二十年矣設有舊惡亦將隨  
 數化而改况初無纖芥但某年幾七十殆將何為某  
 讀書見柳子厚不堪謫辱至欲自比於躄浮圖病顛  
 之駒而怨懟不已遂拍天為癰痔草木果旅不足置

存亡得喪於其間說說至老死其於定命初無一毫  
之加某以故益不敢以身之進退榮辱有望於當世  
之君子也

猖狂妄行莊子山水猖狂增大譴大呵漢書作

問也類篇呵通作何哀窮悼屈昌黎上兵部李

尚賢而與能哀窮而悼屈在塗塗增左傳襄

悼夫人食輿人之城杞者絳縣人或年長矣無子

紀年臣生之歲正月甲子朔四日有十五甲子

矣趙孟召之而謝過焉曰武不卜任君之大事以

晉國之多虞不能吾子使吾子辱在泥塗久矣

杜工部長沙送李十一久存膠漆應難並一辱塗

塗遂晚收塗廣韻增數化離騷余既不難夫離

纖芥王褒九懷卒莫有子纖芥永余思兮子厚

謫厚郎昌黎柳子厚墓誌順宗即位拜禮部員外

州司馬元和用事者得鼻例出為刺史未至又例貶

又偕出為刺史而子厚得至京師自比譬病訂柳子

言曰先生游於愚溪之上鰲老壯齒十有一人進而

荅曰誰也曰東祠壁浮圖者必有師師為律以勅戒始

何哉曰凡為浮圖道者必有師師道者悉以勅戒始

學者與女釋者甚尊嚴雙浮圖有師道者悉以勅戒始

人咸曰病類駒大而不可抹飾焉於是衆牽駒  
上燥土大無下薦之席縻之絲御夫盡飾然後敢  
持千夫翼衛當道上馳抗首出臆震奮遨嬉今先  
生來吾州六十年足軼疾風臭知臙香而一癯不  
復曾不若暨足涎 **怨對指天** 訂 又天說果菴既壞  
頽之猶有遭也 蟲生之入之五氣敗  
逆癰痔生之木朽而竭中艸腐而螢飛是豈不以  
壞而後出耶蟲之害物也滋甚人之壞元氣陰陽  
也亦滋甚有能殘斯人者有大功於天地者也受賞  
必大矣其既焉者受罰亦大矣又云天地大果菴  
也元氣大癰痔也陰易大草木也其烏能賞功而  
罰禍乎功者自功禍者自既欲望其賞罰者大謬  
呼而怨欲望其哀且仁者愈大謬矣子而信子之  
仁義以遊其內生而或爾烏置存亡得喪于果菴  
癰痔草 **增定命** 左傳成十三年民受天地之中以  
木耶 **增定命** 生所謂命也 是以有動作禮義成  
儀之則以定命也 能者養  
之以福不能者敗以取禍

與路樞密 公弼

即日秋序乍涼恭惟鈞侯萬福某歸田五年追懲違  
謀遂掃迹滅影於人間矣敢圖恩舊存錄衰老貶賜  
誨飭開讀恍然鉅人長德宜在朝廷出司留鑰未快  
僉屬然鎮撫之餘掃除邱墓存省遺老遂及我私不  
亦善乎不宣

掃跡 一見卷末 **滅影** 訂 陶貞白解官表今便 **增留鑰** 唐

盧鈞 傳為東都留守 遊林野冥心榮進 外護留

鑰門 連蕭然宋史寇準傳鎮大名北使至語準

上以朝廷無事北門鎖鑰非準不可

即日秋高乍涼恭惟鈞候萬福北轅遂彌月矣徒御  
舊誤所次皆異時遊宦經行之地濁河千里忽已揚

塵摩挲銅狄想復一嘆也

增徒御詩車攻蕭蕭馬鳴悠悠旆濁河  
濁河以固抱朴子濁阿膠揚塵神仙傳王方平過

麻姑相聞麻姑至言接侍以來見東海三為桑田

向到蓬萊水乃淺於蓬昔會時略半也豈將復為

陵陸乎方平笑曰醒人摩挲銅狄後漢書方術傳

言海中行復揚塵也摩挲銅狄後漢書方術傳

近之與一老翁共摩挲銅人相謂曰適見鑄此而巳

人十二各重千斤水經注魏黃初元年  
徙長安金狄重不可致因留霸城南

陪京重寄方屬老成雖兵亂之餘未容卧護而一方

遺黎喜見漢官威儀當有出涕者所冀尊生養福以

卒功名

增陪京潘安仁胡居賦陪京沂伊面郊後市案宋

後諸帖蓋嘗為宋州留卧護信安郡王與漢官威

儀詞光武帝紀更始將北都雒陽以光武行司隸

司察一如舊章時三輔吏士東迎更始見諸將過

而冠憤而服婦人衣諸于繡駟莫不笑之或有畏

涕曰不圖今日復見漢官威儀由是識者皆屬心



大旆首涂又貶教罷高情凜然收錄陳人孰如公者  
便欲馳一介追路以謝屏居之使舊本誤令竟不果  
想公置之度外也

**增首涂**

沈吳興文威令首塗

**增收錄陳人**

東坡荅

宣德啓

誦脩舊好收錄陳人

**增追路**

後漢書趙

然雲漢之

章被此枯朽之質

**增追路**

壹傳遠辱

手筆追路相

**增度外**

後漢書隗囂傳囂子入侍公

尋誠足愧也

**與何樞密**

當置二子

於度外耳

溪上今違便欲遣狀省問寒温而公已登烏府旋領  
樞要區區之喜固異於常人而不敢恃一日之雅輒  
以罪戾姓名徹聞於廊廟所冀高明必諭此意即日  
冬序晴寒恭惟鈞候動止萬福某竄跡一涯無從瞻  
近臨書太息

**增問寒温**

蘇學士簡李之儀罪垢深重不烏府漢

朱博傳

御史府中列柏樹有野鳥數一日之雅注

千樓宿其上

晨去暮來曰朝夕鳥見

杖老殘年衰病交攻齒髮缺壞更閱三四寒暑遂年

七十矣况未可必也顧以死灰不復然無復他望尚冀因來 訪問生死亦足以為哀老之榮

**增殘年**

老杜過王倚飲贈歌但使殘死灰復然書

韓安國傳安國坐法抵罪蒙獄吏田甲辱安國安

國曰死灰獨不復然乎甲曰然即溺之屈無幾梁

內史缺漢使使者拜安國為梁內史起徒中為二

千石田甲曰安國曰甲不就官我滅而宗甲肉袒

謝安國笑曰公等足 **增因來** 柳州賀王參元書因

與治乎卒善遇之 **增因來** 人南來致書訪死生

向公持一節使萬里外忠信之效久而見思故今復有此命屬此隆冬乘單車犯初寒絕大漠折衝口舌之間必有神物護持之助某雖老矣猶及見功名之

**盛**

**增一節**

史記孝文帝紀太尉以 **增使萬里** 昌黎

負外序今人適數百里出門惘惘有離別可憐之

色持被入直三省丁寧願婢子語刺刺不能休今

子使萬里外詳與何首帖及是帖其人乃何鑄也

重使萬里外詳與何首帖及是帖其人乃何鑄也

宋史鑄初拜監察御史遷殿中侍御史進御史

中丞西謂登烏府也殿學僉樞使金為報謝使

既反命復由提舉萬壽宮名赴行在再遣使金所

**史**

過於誠亦似忠信者之言然 **單車** 訂文選李陵答

**以**

單車之使 **祁寒** 書君牙冬 **絕大漠** 漢書

**病**

萬乘之虜 **祁寒** 書君牙冬 **絕大漠** 漢書

**將**

所獲輦允之士約輕齋絕大漠 **折衝** 折衝千

之外文選魏公九錫文折神物護持訂唐書劉禹  
衝注挫摧姦惡衝突強敵言  
以詩自名者嘗推為詩豪又言  
其詩在在靈靈有神物護持

與莫內翰

名壽字壽朋

資政書言公近有冢嗣之戚恭惟情鍾悲慟奈何某  
猶記公在冊府時已勝衣矣享壽今年四十許而遽  
棄盛年何痛如之且當抱孫以慰目前勿過戚戚也

情鍾

訂世說傷逝門王戎喪兒萬子山簡選省之

聖人忘情氣下不及情冊府訂穆天子傳天子西  
情之所鍾正在我輩  
於羣玉之山先王之府所謂藏之名山也故秘書省亦  
以為藏書策之府

謂之

增勝衣

史記三王世家王子

抱孫

曲禮君子

董德又

又恐當作父尸

傳送問遺方欲馳謝謙仲又出

手教具審春和台候萬福某老來歇事屬舍弟被疾

時時代庖益復多事以故竿牘不獲時至燕几及是

遣報亦復匆匆不宣

增歇事

史記張儀傳陳軫見犀首曰公何好飲也

餐飽也謂欲令其多事又厭同蘇代庖莊子逍遙  
不詩君看歇事人無事乃更悲  
樽姐而代尸祝不越  
增燕几儀禮士喪禮綴足用燕

寢之內常憑之以安其體也增匆匆當作匆匆與胡樞密後倣此

比聞盡闢一本復舍芻一本作前地手種花竹一本作木遂移春

入壺中矣又聞過崑山少留從德象虎邱之遊不克

陪燕俎一歡之適甚恨謙仲遠臨留三日而別村市

蕭然無以治具至今為負也書言令女合盃謂已獲

麟謙仲云尚擇婚也岱宗夫如何齊魯青未了殆謂

此耶一咲

壺中後漢書方術傳費長房為市掾有老翁賣藥

樓上觀之異焉因往再拜奉酒脯翁謂之曰子明日可更來長房旦日復詣翁翁乃與俱入壺中唯

見玉堂嚴靈旨酒崑山下注見虎邱圖經虎邱山在

越絕書皆以為闔閭所葬有金精之異故治具史

名虎邱晉王珣山銘云席邱先名海涌山治具

灌夫傳將軍昨日幸許過魏其魏合盃禮記共牢

其夫妻治具自旦至今未嘗敢食合盃

而醕所親之獲麟訂君子曷為為春秋註得麟

同尊卑以親之獲麟

之化為白書署曰演孔圖孔子仰推俯察故作

亂之法以搜之左傳杜注因魯春秋而脩中興之

也

去夏屬疾繳繞一時比聞橫山訃之一日而陳氏妹之夫亦逝去久病方間藥石未去口皆不能赴抹長至後方省陳氏孤孀由徑入橫山少留陽羨歸路入郭歲欲盡乃還連領兩書仍拜厚既皆不克報春初念欲由崑山移舟上謁或相從於慧聚佛舍凡三具舟皆不果行及此初暑念之惕然僕已得踈斥之罪即日伏惟台候萬福董郎携婦看翁媪云內翰遣介行且至矣亟草一紙屬德父以竢不宣

增繳繞

太史公自序名家苛察繳繞注繳音

抹

詩谷風凡民有喪匍匐救之鄭箋謂營

宋

地理志隸平江府王半山詩王人生以山亦

慧聚佛舍

吳郡圖經慧聚寺在崑山縣西北三

也

武帝之師宴坐此山二虎為侍感致神人縣令以

聞

武帝令建寺增孟東野崑山惠聚僧房詩昨日

到

上方片雲掛石床錫杖莓苔青袈裟松柏香半

山

慧聚寺次孟郊韻僧蹊蟠青蒼莓苔上秋林露

翰

飢更清風增翁媪家雞嫩翁媪鳴社酒香

雞

犬上屋而雨腳猶未斷如西徐最高印字古仰殆欲

懸釜而炊矣西樓之勝爽塏不受暑時寒衣一登可  
以下視蜂蟻之隘而東堂雄深亦不惡有登堂者當  
疑公狀貌魁梧也

增水及半扉

子瞻放鶴亭記熙寧十年彭城大水雲龍山人張君之草堂水及其半扉

雞犬上屋

張籍永嘉行黃頭鮮卑入洛陽胡兒持戟升明堂晉家天子作降虜公卿齊走

如牛羊紫陌旌幡暗相逐家家雞犬驚上屋

雨脚未斷

杜工部茅屋為秋風所破歌林

沐屋漏無乾處雨脚如麻未斷絕

懸釜而炊

戰國趙策智伯陰結韓魏伐趙三國之兵

乘晉陽城遂戰三月不能拔因舒軍而圍之決晉水而灌之圍晉陽三年城中巢居而虞懸釜而炊

爽塏

注見卷一與胡樞密帖

不受暑

少陵陪李北海宴廳下亭脩竹不受暑交流空

湯波增寒衣

柳子厚詩苦熱中蜂蟻之隘

注見卷一與葉左丞

帖增魁梧

史記留侯世家贊余以為其人計魁梧奇偉至見其圖狀貌如婦人好女

別去夜泊泖口迨曉乘便風掛帆絕湖而西薄晚次

大姚闔閭城已在望中矣孤舟獨行大澤葭葦中竟

日不逢一人萬一雲霧晝晦風雨作於半沙真叫皇

天之所也嘗寓一書屬海鹽便介已登几案否即日

大暑蒸惟台候萬福某次閭門日正中暑甚遂移舟

虎邱少榻劍池上需一夕之涼而諸瓢全至袖中出

紙求字者數十輩殆欲腕脫長老從翁勞勉良苦某

荅曰所謂纏倒藤矣一笑遂別還舍未幾瘡痂大作  
遣狀草草不宣

泖口 吳郡圖經三泖在華亭境陸魯望詩 **增** 大姚

在吳郡東境童珮大姚寺詩 闔閭城 吳郡圖經吳

江國何年剡村人說大姚 闔閭城 王闔閭委計

於伍子胥使之相土嘗水象天法地築大城周四

十里小城周十里開八門以象八風是時周恭王

之六 **增** 叫天 至南史謝述傳述在江陵奉兄喪還都

年也 **增** 叫天 至南史謝述傳述在江陵奉兄喪還都

述乘小船冒浪而進密舫幾 **增** 海鹽 馬氏通考海

沒述叫號呼天幸而獲免 **增** 海鹽 馬氏通考海

秀州今嘉興府海鹽 閭門 吳郡圖經吳王闔閭屬按

陳省入鹽官唐復真 閭門 吳郡圖經吳王闔閭屬按

八風其西曰閭門者 劍池 吳郡圖經陸門八闔建

象天之有閭闔也 劍池 吳郡圖經陸門八闔建

記山澗是孫權所發以求闔閭寶器澗側有平 **增**

石可容千人謂之千人坐因生公講法得名 **增**

諸瓢池無鉢但僧瓢按諸瓢當時諧語東坡贈杜

介詩問禪不歸舍屢為壺繞 **增** 全至 李義山

留寓館置遂沙旬時喜過所望而叨溷多矣吾顏其  
厚耶方俟暑退稍當有就筆專馳一介看候又貶誨  
函省顧之厚喜慰當如何制草得觀一時侯王將相

出處之故至於區區歎慕之意已見於序引所陳不復云云更望少留於此他日持送此帖舊本在後

**增館寘**

韓退之贈張籍詩留之

**吾顏其厚**

訂唐書

文宗舉賢良方正能直言極諫是時第策官馮宿賈鍊罷嚴見贊對嗟伏以為過古晁董而畏中官

**附翰林莫公内外制序**

政和二年春徽宗策進士於廷今翰林學士莫公擢第一二年春徽宗策進士於廷今翰林學士莫公以兵部員外郎從御貳奏事殿上公是日亦以除官入謝父子在廷徽宗望見公顧謂少卿曰某朕所親擢條奏數千言俊邁過人老於文學者所不遇而人物秀整亦可喜卿可謂能教子矣嘉嘆久

之子為知已挺立縉紳間益自重澹然無所諧已乃附登冊府尚符璽為柱下史且大用矣宰相終以不國子司業試中書舍人入翰林為學士詔令坦明一昔巨公以文章自名如王履道翟公孫者皆嘆異之序孔子曰辭過公已矣外制凡若千篇屬余為之能以傳之言口能傳之而不應之謂辭達自能知不之能以傳之言口能傳之而不應之謂辭達自能知不以來常楊燕許之倫號稱大手筆者固不乏人若夫得於心應於手朝出九重暮行萬里風動艸偃山鳴谷應人為然公曉然如推赤心置於其腹中陸宣公然溢人若有所相自宣和訖靖康大興筆千言公手四方傳誦為稱職余嘗見宣和間詞臣草後宮書命莫有當上意者制詞往往多自告甚急宗進二婕妤好會公當制是夕御札趣進



翊日對輔臣稱善有詞垣得人語已而選用從  
臣押皇子生日賜物上曰無踰某矣遂命公翰林  
故事以學士二員者謂之直朝廷有大除拜過三制而  
上則併召二員者謂之雙宣公嘗以中書舍人直  
學士院一夕召公獨草六制宰相吳敏欲因是以  
危公解衣提案一揮而就宣制之日公適入對  
淵聖嘉嘆久之纔數日宸筆下中書命公為翰林  
學士敏初欲抑公而更進於是慙沮失色某之任  
與公並時而公為先達去國二十年每讀公書兩  
朝文物之盛炳然在目叙事詳實不侈不浮蓋孔  
子所謂辭達者遂論次以為公書首云

內外制序引去秋病後所作雖不工而平日向慕之  
誠意具載於此矣闕十三字之藏紫辱戒諭遂不敢  
留今併納上某自余郎罷官後屬德父屢矣至是方

能遣送不敏愧恐

今併納上

訂原注錄公與對論兄內翰帖云制詞  
索序引無乃非其人乎然例當得一制詞  
本只乞門狀紙百番戒一吏真書大字見賜按此  
帖為欲留制草原本因其隻索故遣還之而轉致  
對詣囑寫副本見貽也知前  
闕行內是欲留制草之語

宋孫仲益內簡尺牘卷二

建子月上澣張玉穀繕樣

蔡煌體乾校  
其炳用謙校

